

Najava 7. konferencije „Dani infrastrukture prostornih podataka FBiH“

22.09.2026 09:41



IPP
Infrastruktura prostornih podataka
Federacije Bosne i Hercegovine

KONFERENCIJA

**DANI INFRASTRUKTURE
PROSTORNIH PODATAKA
FEDERACIJE BOSNE I HERCEGOVINE**

24.09.2026. | **Sarajevo**

Infrastruktura prostornih podataka
Federacije Bosne i Hercegovine

| ipp.fbih@fgu.com.ba | www.ippfbih.gov.ba

Sedma konferencija „Dani infrastrukture prostornih podataka Federacije BiH“ bit će održana **24. septembra 2026. godine u hotelu Hills na Ilidži (Sarajevo)**, u organizaciji Federalne uprave za geodetske i imovinsko-pravne poslove (FGU), uz potporu projekta GeoConnect kojeg finansira Nizozemska agencija za preduzetništvo u okviru programa Matra. Konferencija ove godine ima izraženo međunarodni karakter – prijavljeno je 140 učesnika iz 70 institucija i pravnih subjekata iz osam zemalja, a među njima će biti i predstavnici međunarodnih projekata i partnerskih organizacija iz Švedske i Nizozemske, Slovenije, Hrvatske i drugih. Cilj konferencije je dodatno podići svijest o značaju infrastrukture prostornih podataka te o važnosti standardizacije, interoperabilnosti i njihove praktične dostupnosti.

Program konferencije obuhvata uvodna obraćanja, tematske sesije i diskusije o aktuelnostima u području prostornih podataka, daljnjem razvoju IPP FBiH i međunarodnom okruženju, uz poseban naglasak na projekte GeoConnect, GIVE, DELEF i LiDAR snimanja, koji čine važan dio aktivnosti usmjerenih na modernizaciju, dostupnost i kvalitetu prostornih podataka u Federaciji BiH. U okviru programa izdvaja se

i pozvano predavanje gđe Holli Howard iz kompanije Google, koja u sklopu Google Mapsa sarađuje s geoprostornom zajednicom, javnim institucijama i partnerima na unapređenju kvalitete i dostupnosti prostornih podataka, a govorit će na temu „*Regionalna rješenja iz lokalne perspektive: geoprostorni uvidi i pristupačna umjetna inteligencija*“.

„Dani infrastrukture prostornih podataka FBiH“ predstavljaju priliku za povezivanje institucija, stručnjaka i korisnika prostornih podataka iz javnog, privatnog i akademskog sektora, razmjenu znanja i iskustava te otvaranje novih tema važnih za daljnji razvoj geoprostornog sektora u Federaciji BiH.